



বাংলাদেশ মাদরাসা শিক্ষা বোর্ড, ঢাকা

২নং অরফ্যানেজ রোড, বখশিবাজার, ঢাকা-১২১১।

Website: www.bmeb.gov.bd, E-mail: info@bmeb.gov.bd, Fax: 58616681, 58617908, 9615576

নং- বামাশিবো/সংস্থাপন/১১০২

তারিখঃ ০৯/১১/২০১৬খ্রিঃ

বিষয়ঃ ঢাকা জেলার শিক্ষা প্রতিষ্ঠানের জন্য প্রস্তুতকৃত সুপারিশমালা বাস্তবায়ন প্রসঙ্গে।

সূত্রঃ নং- ৩৭.০০.০০০০.৭২.০৬.০২৪.১৬.৩৩৬; তারিখঃ ২৭ অক্টোবর ২০১৬খ্রিঃ

উপর্যুক্ত বিষয় ও সূত্রের আলোকে নির্দেশক্রমে জানানো যাচ্ছে যে, গত ০৬.০৮.২০১৬ তারিখে জেলা প্রশাসন, ঢাকার উদ্যোগে দেশের সাম্প্রতিক উদ্ভূত পরিস্থিতি মোকাবেলা, সন্ত্রাস ও জঙ্গিবাদ প্রতিরোধে করণীয় ও সচেতনতা বৃদ্ধির লক্ষ্যে ঢাকা মহানগরীসহ ঢাকা জেলার সকল মহাবিদ্যালয়, মাধ্যমিক ও উচ্চ মাধ্যমিক বিদ্যালয় এবং মাদরাসা প্রধানগণের অংশগ্রহণে জাতীয় নাট্যশালা অডিটোরিয়াম, বাংলাদেশ শিল্পকলা একাডেমি, ঢাকায় এক মতবিনিময় সভা অনুষ্ঠিত হয়। সভায় গৃহীত সুপারিশমালা নিম্নরূপঃ-

- সকল শিক্ষার্থীর অভিভাবকের নাম, ঠিকানা, মোবাইল নম্বর (বিকল্প মোবাইল নম্বর) ইত্যাদি তথ্যসম্বলিত ড্যাটাবেজ প্রতিষ্ঠানে সংরক্ষণ;
- শিক্ষার্থীর শিক্ষা প্রতিষ্ঠানে এবং শ্রেণিকক্ষে উপস্থিতি শতভাগ নিশ্চিত করতে হবে। এ ক্ষেত্রে ডিজিটাল হাজিরা গ্রহণে প্রয়োজনীয় ব্যবস্থা গ্রহণ;
- যদি কোন শিক্ষার্থী বিদ্যালয়ে এবং শ্রেণিকক্ষে অনুপস্থিত থাকে, সে সকল শিক্ষার্থীর অভিভাবকগণকে বিষয়টি তাৎক্ষণিকভাবে প্রতিষ্ঠান প্রধান/শ্রেণি শিক্ষককে অবগত করা। এ ক্ষেত্রে নির্ধারিত সময়ে প্রতিষ্ঠানের ছুটি হলে তা প্রতিষ্ঠানের ব্যবস্থাপনায় অভিভাবকদের জানিয়ে দেয়া;
- এক সাথে ২/৩ দিন অনুমোদন ব্যতীত শিক্ষার্থী প্রতিষ্ঠানে অনুপস্থিত থাকলে শিক্ষার্থীর বাসায় বিষয়টি অবগত করা;
- শিক্ষার্থীদের জন্য প্রতিষ্ঠানে চিত্তবিনোদনের ব্যবস্থা গ্রহণ;
- কর্মমুখী শিক্ষার উপর অধিক গুরুত্বারোপ করা;
- যথাযথ কর্তৃপক্ষের মাধ্যমে শিক্ষা প্রতিষ্ঠানের কর্মকান্ড নিয়মিতভাবে মনিটরিং এর ব্যবস্থা জোরদারতকরণ;
- Facebook সহ অন্যান্য সামাজিক যোগাযোগ মাধ্যমের ব্যবহারের উপর নজরদারী বাড়ানো;
- যে পরিবারের কিশোর-তরুন নিয়মিত মসজিদে নামাজ আদায়ের জন্য যায় তাদের ব্যাপারে পিতা-মাতার লক্ষ্য রাখতে হবে যে, কোন অপরিচিত কারো সাথে অথবা অন্য কোথাও অতিরিক্ত সময় অতিবাহিত করে কিনা? অথবা মসজিদে গমণাগমনের সূত্রে কোন অপরিচিত, অতিমিষ্টভাষী কিংবা রহস্যময় কারো সাথে তার সখ্যতা গড়ে তোলে কিনা?
- অভিভাবকগণকে তাদের সন্তানদের বন্ধু মহল সম্পর্কে সুস্পষ্ট ধারণা রাখতে হবে। কোন বন্ধুর সাথে কোথাও বেড়াতে যেতে চাইলে সব বিষয়ে খোঁজ নিয়ে নিশ্চিত হয়েই অনুমতি প্রদান;
- ইসলাম ধর্ম একটি আধুনিক ও শান্তির ধর্ম। এতে হিংসা, হত্যা, নৃসংশতা ও জঙ্গিবাদের কোন স্থান নেই। সে বিষয়ে সকল গণমাধ্যমে ইসলামিক চিন্তাবিদদের মাধ্যমে নিয়মিত আলোচনা, ব্যাখ্যা বিশ্লেষণের মাধ্যমে প্রচার করা;
- সরকারি ব্যবস্থাপনায় জঙ্গি বিরোধী মানববন্ধন ও র্যালির পাশাপাশি পাড়া ও মহল্লায় সচেতনতামূলক সমাবেশ আয়োজন। গণমাধ্যম জঙ্গি বিরোধী ভিডিও চিত্র তৈরী ও প্রচার করা;
- সকল শিক্ষার্থীকে নিজস্ব প্রতিষ্ঠান সংশ্লিষ্ট কোন না কোন ক্লাবের সাথে সম্পৃক্ত করা;
- সকল প্রতিষ্ঠানে আবশ্যিকভাবে স্কাউটিং দল গঠন ও শিক্ষার্থীদের স্কাউট/রোভার স্কাউট/গার্ল গাইড এর সাথে সম্পৃক্তকরণ;
- শিক্ষার্থীদের পাঠ্য বইয়ের পাশাপাশি সহপাঠ্যক্রমিক কাজে উদ্বুদ্ধ করা। এ জন্য নিম্নোক্ত উদ্যোগ নেয়া যেতে পারে: (ক) বিতর্ক দল গঠন (খ) সাংস্কৃতিক দল গঠন (গ) নিয়মিত রচনা প্রতিযোগিতার আয়োজন (ঘ) নাটকের জন্য দল (ঙ) খেলাধুলার জন্য বিভিন্ন কমিটি গঠন ও (চ) স্কাউট এর কার্যক্রম প্রসার ইত্যাদি;
- প্রতিষ্ঠানে নিয়মিত খেলাধুলার আয়োজন করা। যে সক প্রতিষ্ঠানে খেলার মাঠ নেই, সে সকল প্রতিষ্ঠানে প্রতিষ্ঠানের পরিবেশ উপযোগী খেলাধুলার সাথে শিক্ষার্থীদের সম্পৃক্তকরণ।

বর্ণিত অবস্থায় উপরিলিখিত সুপারিশসমূহ যথাযথভাবে পালন ও বাস্তবায়নের জন্য বাংলাদেশ মাদরাসা শিক্ষা বোর্ডের আওতাধীন দেশের সকল মাদরাসার অধ্যক্ষ/সুপারকে অনুরোধ করা হলো।

০৯/১১/২০১৬

মোঃ নজমুল হুদা
রেজিস্ট্রার (অতিরিক্ত দায়িত্বপ্রাপ্ত)
ও পরীক্ষা নিয়ন্ত্রক
বাংলাদেশ মাদরাসা শিক্ষা বোর্ড, ঢাকা
ফোনঃ ৫৮৬১০২০২

প্রাপকঃ অধ্যক্ষ/সুপার
বাংলাদেশ মাদরাসা শিক্ষা বোর্ডের আওতাধীন দেশের সকল মাদরাসা।

নং- বামাশিবো/সংস্থাপন/১১০২ (৬)

তারিখঃ ০৯/১১/২০১৬খ্রিঃ

সদয় অবগতি ও প্রয়োজনীয় কার্যার্থে অনুলিপিঃ

১. মন্ত্রী মহোদয়ের একান্ত সচিব (যুগ্ম সচিব), শিক্ষা মন্ত্রণালয়, বাংলাদেশ সচিবালয়, ঢাকা।
২. সচিব মহোদয়ের একান্ত সচিব, শিক্ষা মন্ত্রণালয়, বাংলাদেশ সচিবালয়, ঢাকা।
৩. জনাব অসীম কুমার কর্মকার, সহকারী সচিব, শাখা-১১ (মাধ্যমিক-২), শিক্ষা মন্ত্রণালয়, বাংলাদেশ সচিবালয়, ঢাকা।
৪. প্রোগ্রামার (আইসিটি সেল), বাংলাদেশ মাদরাসা শিক্ষা বোর্ড, ঢাকা। (তাকে পত্রটি বোর্ডের ওয়েব সাইটে প্রকাশ ও প্রচারের জন্য অনুরোধ করা হলো)
৫. পি এ টু চেয়ারম্যান, বাংলাদেশ মাদরাসা শিক্ষা বোর্ড, ঢাকা।
৬. অফিস কপি।

মোঃ কামাল উদ্দিন
উপ-রেজিস্ট্রার (প্রশাসন, অতিরিক্ত দায়িত্বপ্রাপ্ত)
ও উপ-রেজিস্ট্রার (কমন)
বাংলাদেশ মাদরাসা শিক্ষা বোর্ড, ঢাকা
ফোনঃ ৯৬৭৫৪০৩